

**PERSOALAN HUKUM SEKITAR ISU COVID-19 (2/4/2020)**

1. Berlaku percampuran antara lelaki dan perempuan di luar wad atas faktor ruang yang terhad serta terdapat di kalangan pelawat yang memakai pakaian berlengan pendek. Adakah hal yang demikian dimaafkan?

Jawapan: Secara umumnya, sebarang bentuk pergaulan yang melibatkan percampuran antara lelaki dan perempuan adalah tidak dibenarkan. Walau bagaimanapun, dalam ruang yang terhad maka pihak hospital berhak menghadkan bilangan pelawat dan langkah tersebut perlu dilakukan. Mana-mana pelawat yang memakai pakaian berlengan pendek adalah dinasihatkan untuk memakai sarung lengan atau mengenakan baju berlengan panjang. Dalam hal ini, perkara utama yang perlu diberi perhatian adalah pelawat sedang berhadapan dengan situasi untuk menyelamatkan pesakit yang kesan dari penyakit tersebut boleh mengakibatkan ancaman kepada nyawa. Kaedah fiqh ada menyebutkan:

الضرورات تبيح المحظورات

Maksudnya: "Darurat itu mengharuskan perkara yang merbahaya."

Sebagai saranan, hand sanitizer hendaklah dibekalkan kepada para pelawat khususnya yang berada di kawasan menunggu sebelum diberi keizinan masuk untuk melawat. Sekiranya difikirkan perlu maka pihak hospital boleh menyediakan baju khas seperti yang dipakai oleh pelawat di wad ICU sebagai langkah pencegahan.

2. Adakah sah solat sekiranya para petugas (frontliners) memakai pampers kerana terdapat kesulitan untuk keluar dari premis?

Jawapan: Solat tersebut sah sekiranya pampers yang dipakai dalam keadaan yang bersih dan suci dari sebarang kesan najis. Walau bagaimanapun, jika terdapat kesulitan (masyaqqah) seperti waktu yang amat terhad untuk keluar dari premis dan sebagainya yang menyebabkan petugas terpaksa qadha hajat di dalam pampers dan tidak mampu membersihkannya maka diharuskan menunaikan solat dalam keadaan yang sedemikian sekadar menghormati waktu (solat hormat waktu).

Namun, solat berkenaan hendaklah digantikan pada waktu yang lain. Ia adalah berdasarkan pandangan al-Imam al-Nawawi menerusi kitab al-Majmu' jilid tiga pada halaman 144 seperti yang berikut:

فإذا كان على بدنه نجاسة غير معفو عنها وعجز عن إزالتها وجب أن يصلي بحاله لحرمة الوقت لحديث أبي هريرة رضي الله عنه أن رسول الله صلى الله عليه وسلم قال: "وإذا أمرتكم بشيء فأتوا منه ما استطعتم" رواه البخاري ومسلم. وتلزمه الإعادة لما ذكره المصنف،

Maksudnya: "Apabila tubuh badan mengandungi najis yang tidak boleh dimaafkan serta sukar untuk menghilangkannya maka hendaklah ia menunaikan solat dalam keadaan yang sedemikian sebagai menghormati waktu berdasarkan hadis dari Abu Hurairah r.a. bahawa Rasulullah SAW telah bersabda: "Apabila aku memerintahkan kamu dengan sesuatu perintah maka hendaklah kamu melaksanakannya berdasarkan kemampuanmu." Diriwayatkan oleh al-Bukhari dan dan Muslim. Dan wajib ke atasnya untuk mengulangi semula solat berkenaan berdasarkan pandangan penulis."

Berdasarkan hadis di atas, kaedah istinbat hukum bagi solat hormat waktu adalah berdasarkan kondisi yang terdapat dalam persoalan di atas iaitu masyaqqah (kesulitan) atau kesuntukan waktu untuk keluar dari premis. Oleh yang demikian, ia dimaafkan namun wajib diqada solat berkenaan.

Situasi darurat yang terdapat dalam kondisi ini ialah para petugas (frontliners) sedang berhadapan dengan situasi untuk menyelamatkan pesakit yang memungkinkan ancaman terhadap nyawa petugas (frontliners) itu sendiri. Hal ini berdasarkan kaedah fiqh:

### الضرورات تبيح المحظورات

Maksudnya: “Darurat itu mengharuskan perkara yang merbahaya.”

3. Adakah dimaafkan kepada petugas yang menunaikan solat dengan pakaian yang terkena percikan najis dan darah yang sedikit semasa mengendali pesakit di ICU? Adakah perlu untuk dibasuh terlebih dahulu atau menukarkannya dengan pakaian yang lain?

Jawapan: Sebaik-baiknya bahagian yang terkena percikan darah atau najis itu hendaklah dibasuh terlebih dahulu sebelum menunaikan solat. Hal ini adalah bersandarkan hadis yang berikut:

وَإِذَا أَمَرْتُمْ بِشَيْءٍ فَأَتُوا مِنْهُ مَا اسْتَطَعْتُمْ

Maksudnya: “Apabila aku memerintahkan kamu dengan sesuatu perintah maka hendaklah kamu melaksanakannya berdasarkan kemampuanmu.”

(Riwayat al-Bukhari dan Muslim)

Jika sekiranya percikan najis atau darah hanya sedikit dengan keadaan masa yang kesuntukan maka diharuskan menunaikan solat dalam keadaan yang sedemikian. Oleh itu, isu ini dikategorikan sebagai ‘umum al-balwa.’ Berdasarkan nas yang dinyatakan dalam kitab Anwar al-Masalik Syarh ‘Umdah al-Salik wa ‘Iddah al-Nasik halaman 56:

وَأَمَّا الدَّمُ وَالْقَيْحُ، فَإِنْ كَانَ مِنْ أَعْجَبِي عَفِي عَنْ يَسِيرِهِ، وَإِنْ كَانَ مِنَ الْمَصْلِيِّ عَفِي عَنْ قَلِيلِهِ وَكَثِيرِهِ

Maksudnya: “Dan adapun mengenai darah dan nanah, jika sekiranya ia dari seseorang maka dimaafkan dalam kadar yang sedikit. Jika orang yang menunaikan solat dimaafkan akan hal yang demikian sama ada pada kadar yang sedikit mahupun banyak.

4. Adakah sah solat bagi pesakit yang memakai pampers? Bolehkah dengan keadaan yang sedemikian ia menunaikan solat hormat waktu?

Jawapan: Sekiranya pampers yang dipakai itu boleh dibersihkan maka hendaklah ia dibersihkan terlebih dahulu daripada najis sebelum menunaikan solat. Namun, jika terdapat kesulitan untuk melakukannya maka diharuskan menunaikan solat dalam keadaan yang sedemikian sekadar menghormati waktu (solat hormat waktu).

Namun, solat berkenaan hendaklah digantikan pada waktu yang lain. Ia adalah berdasarkan pandangan al-Imam al-Nawawi menerusi kitab al-Majmu' jilid tiga pada halaman 144 seperti yang berikut:

فإذا كان على بدنه نجاسة غير معفو عنها وعجز عن إزالتها وجب أن يصلي بحاله لحرمة الوقت  
لحديث أبي هريرة رضي الله عنه أن رسول الله صلى الله عليه وسلم قال: "وإذا أمرتكم بشيء  
فأتوا منه ما استطعتم" رواه البخاري ومسلم. وتلزمه الإعادة لما ذكره المصنف،

Maksudnya: "Apabila tubuh badan mengandungi najis yang tidak boleh dimaafkan serta sukar untuk menghilangkannya maka hendaklah ia menunaikan solat dalam keadaan yang sedemikian sebagai menghormati waktu berdasarkan hadis dari Abu Hurairah r.a. bahawa Rasulullah SAW telah bersabda: "Apabila aku memerintahkan kamu dengan sesuatu perintah maka hendaklah kamu melaksanakannya berdasarkan kemampuanmu." Diriwayatkan oleh al-Bukhari dan dan Muslim. Dan wajib ke atasnya untuk mengulangi semula solat berkenaan berdasarkan pandangan penulis."

Berdasarkan hadis di atas, kaedah istinbat hukum bagi solat hormat waktu adalah berdasarkan kondisi yang terdapat dalam persoalan di atas iaitu masyaqqah (kesulitan) untuk membersihkan najis berkenaan. Oleh yang demikian, ia dimaafkan namun wajib diqada solat tersebut.

5. Bagaimanakah kaifiat solat sekiranya harus dengan bertayammum? Sedangkan dalam masa yang sama perlu memakai face shield?

Jawapan: Bagi perawat yang menggunakan face shield serta hukum bertayammum ke atas mereka ada dua pandangan:

1. Pemakaian face shield bagi anggota perawat akan memberi suatu kesukaran bagi mereka apabila terpaksa menanggalkannya dalam situasi yang sulit terutama dalam tempoh waktu yang singkat. Oleh itu, memadai dengan bertayammum di atas kawasan muka yang juga termasuk face shield yang dipakai oleh mereka serta pakaian yang membaluti tangan. Walaupun pemakaian face shield dan jabirah (pembalut) adalah berbeza namun kedua-duanya mempunyai persamaan dari sudut keperluan iaitu darurat. Hal ini bersandarkan hadis yang berikut:

وَإِذَا أَمَرْتُمْ بِشَيْءٍ فَأَتَوْا مِنْهُ مَا اسْتَطَعْتُمْ

Maksudnya: “Apabila aku memerintahkan kamu dengan sesuatu perintah maka hendaklah kamu melaksanakannya berdasarkan kemampuanmu.”

(Riwayat al-Bukhari dan Muslim)

Namun begitu, disyaratkan agar pakaian yang dipakai atau face shield hendaklah dalam keadaan bersih jika mampu. Sekiranya tidak mampu untuk berbuat demikian maka ia dimaafkan. Manakala solat yang ditunaikan tidak perlu diqada. Di dalam kitab Mughni al-Muhtaj, jilid pertama pada halaman 169 dinyatakan seperti yang berikut:

(وَإِنْ كَانَ) بِالْأَعْضَاءِ أَوْ بَعْضِهَا (سَاتِر) كَجَبِيْرَةٍ (لَمْ يَقْضِ فِي الْأَظْهَرِ إِنْ وَضِعَ) السَّاتِرَ (عَلَى طَهْرٍ) لِأَنَّهُ أَوْلَى مِنَ الْمَسْحِ عَلَى الْخَفِّ لِلضَّرُورَةِ هُنَا. وَالثَّانِي: يَقْضِي؛ لِأَنَّهُ عَذْرٌ نَادِرٌ غَيْرٌ دَائِمٌ. هَذَا إِذَا لَمْ تَكُنِ الْجَبِيْرَةُ عَلَى مَحَلِّ التَّيْمِمْ وَإِلَّا وَجِبَ الْقَضَاءُ؛ قَالَ فِي الرَّوْضَةِ: بَلَا خِلَافٍ لِنَقْضِ الْبَدْلِ وَالْمَبْدَلِ جَمِيعًا، وَنَقَلَهُ فِي الْمَجْمُوعِ كَالرَّافِعِيِّ عَنِ جَمَاعَةٍ؛ ثُمَّ قَالَ: وَإِطْلَاقُ الْجُمْهُورِ يَقْتَضِي أَنَّهُ لَا فَرْقَ أَيْ. وَمَا فِي الرَّوْضَةِ أَوْجَهُ لِمَا ذَكَرَ.

(فإن وضع) الساتر (على حدث) سواء أكان في أعضاء التيمم أم في غيرها من أعضاء الطهارة؛ (وجب نزع) إن أمكن بلا ضرر يبيح التيمم؛ لأنه مسح على ساتر، فاشتراط فيه الوضع على طهر كالحنف. وقيل: لا يجب للضرورة؛ والمراد طهارة ذلك المحل فقط، ولا ينافي ذلك قولهم كالحنف، إذ المشبه قد لا يعطي حكم المشبه به من كل وجه، لأن الجبيرة وضعت للضرورة، ويجب استيعابها بالمسح، وإذا نزع إحدى الجبيرتين لا يجب عليه نزع الأخرى بخلاف الحنف في ذلك. وقد يوهم تخصيص وجوب النزع بالوضع على حدث أنه لا يجب نزعه إذا وضع على طهر ولا ضرر عليه في نزعه، وليس مرادا بل يجب نزعه أيضا. وإنما يفترق الحال عند تعذر النزع في القضاء وعدمه كما نبه على ذلك بقوله: (فإن تعذر) نزع مسح وصلى (قضى على المشهور) لفوات شرط الوضع على طهارة؛ فانتفى تشبيهه حينئذ بالحنف؛ والثاني: لا يقضي للعذر. وهذا كله على الجديد، أما على القديم المختار عند المصنف فلا قضاء كما سبق. وكان ينبغي أن يقول: (على المذهب) فإن الأصح القطع بالقضاء .

Maksudnya: "Jika sekiranya sesuatu anggota atau sebahagiannya (terdapat penghalang) seumpama pembalut (maka solat tersebut tidak diqada menurut pandangan yang azhar) penghalang (dalam keadaan yang bersih) kerana ia lebih utama dari menyapu di atas khuf (kasut) atas faktor darurat. Kedua: diqada solat berkenaan kerana keuzuran yang jarang berlaku serta tidak bersifat kekal. Pandangan ini dengan melihat bahawa pembalut tersebut bukanlah faktor untuk bertayammum jika tidak maka wajib diqadakan solat berkenaan. Telah berkata al-Imam al-Nawawi di dalam kitabnya al-Raudhah: Tanpa terdapatnya khilaf atas sebab kurangnya gantian serta perubahan keseluruhan dan beliau (al-Imam al-Nawawi) telah menaqqalkan pandangannya itu di dalam kitab al-Majmu'. Demikian juga hal yang sama dilakukan oleh al-Imam al-Rafi'i daripada riwayat jamaah.

Kemudian al-Imam al-Nawawi telah berkata: Jumhur ulama berpandangan bahawa ia perlu diqada tanpa sebarang percanggahan. Pandangan yang terdapat dalam kitab al-Raudah adalah awjuh seperti mana yang telah dinyatakan. (Jika diletakkan) penghalang (dalam satu keadaan) sama ada pada anggota tayammum atau selainnya dari anggota toharah (wajib ditanggalkan penghalang itu) sekiranya mampu tanpa terdapatnya darurat yang mengharuskan bertayammum kerana menyapu di atas penghalang. Oleh itu, disyaratkan penghalang tersebut hendaklah dalam keadaan yang bersih sepertimana hal keadaannya menyapu khuf. Turut dikatakan: tidak wajib membersihkan penghalang itu atas faktor darurat. Dan yang dimaksudkan bersih di sini ialah pada tempat yang berkenaan sahaja. Ia tidak ternafi oleh pandangan jumhur mengenai isu khuf. Hal yang sama tidak diberi hukum yang serupa dari setiap sudut kerana pembalut digunakan atas tujuan darurat. Maka, wajib diberi makna penggunaannya sepertimana hal keadaan menyapu. Apabila gugurnya salah satu dari dua pembalut tersebut maka tidak diwajibkan ke atas seseorang itu untuk menanggalkan pembalut yang lain yang berbeza hukumnya dalam masalah khuf. Kadang kala, disangka secara halus bahawa wajib menanggalkan pembalut itu sedangkan dalam masa yang sama tidak wajib pula menanggalkannya apabila ia dalam keadaan yang bersih tanpa sebarang darurat apabila menanggalkan balutan tersebut. Dan ia bukanlah demikian bahkan wajib menanggalkannya juga. Apabila jelas perbezaan tersebut semasa terdapatnya keuzuran untuk mengqadakan solat dan ketiadaan keuzuran sepertimana yang telah dinyatakan sebelum ini dengan perkataan (jika sekiranya uzur) ia ditanggalkan lalu disapu (tayammum) serta terus menunaikan solat (diqadakan menurut pandangan yang masyhur) kerana tertinggal syarat iaitu hendaklah dalam keadaan yang bersih. Oleh itu, ternafilah perumpamaan tersebut ketika itu dengan hal menyapu khuf. Perkara yang kedua iaitu tidak diqada akan solat kerana keuzuran. Hal ini semuanya merupakan isu qaul jadid (baru). Adapun qaul qadim (lama) yang merupakan pilihan penulis ialah tidak diqada sepertimana yang telah dibahaskan terdahulu. Maka, dituntut dalam ini iaitu: berdasarkan penelitian mazhab Syafie jika pandangan tersebut lebih kuat (asah) maka diputuskan bahawa solat tersebut perlulah diqada.”

2. Pemakaian *face shield* adalah tidak sama jika dikaitkan dengan faktor kecederaan. Maka, *face shield* tersebut hendaklah ditanggalkan semasa hendak bertayammum supaya debu tanah tersebut mengenai keseluruhan bahagian muka serta kedua-dua anggota tangan. Jika sekiranya bertayammum di atas pakaian *face shield* semata-mata maka ia adalah tidak sah.

Sekiranya tidak memenuhi syarat sah solat seperti tidak berwuduk atau bertayammum maka perawat hendaklah solat menghormati waktu berdasarkan hadis yang berikut:

وَإِذَا أَمَرْتُمْ بِشَيْءٍ فَأَتُوا مِنْهُ مَا اسْتَطَعْتُمْ

Maksudnya: “Apabila aku memerintahkan kamu dengan sesuatu perintah maka hendaklah kamu melaksanakannya berdasarkan kemampuanmu.”

(Riwayat al-Bukhari dan Muslim)

Oleh itu, solat berkenaan wajib diqada pada waktu yang lain.

Manakala bagi isu sujud dengan berpakaian *face shield*, maka atas keperluan yang bersifat daruriyy (darurat) sah hukumnya sujud dengan berpakaian yang sedemikian. Hal ini bersandarkan nas dari kitab al-Majmu' jilid tiga pada halaman 399:

وكذا لو سجد وعلى جبهته ثوب مخرق فمس من جبهته الأرض أجزاء، نص عليه في الأم واتفقوا عليه،  
ويجئ فيه الوجه الذي حكاه ابن كجب.

Maksudnya: “Dan demikian juga sekiranya sujud dalam keadaan dahi berlapik dengan pakaian yang longgar maka hal yang demikian (dahi yang berlapik dengan pakaian longgar tersebut) memadai (sah sujud tersebut), inilah yang telah dinaskan di dalam kitab al-Umm yang telah disepakati akan hukumnya, malah pandangan berkenaan telah dihikayatkan oleh Ibnu Kajib.”

Sekiranya petugas mempunyai jangka waktu yang singkat untuk menunaikan solat maka diharuskan untuk ditunaikan solat secara jamak. Namun dalam hal ini, ia perlu ditinjau dalam pelbagai situasi:

1. Jika dibebani oleh kekangan waktu dan hanya berkemampuan untuk melaksanakan solat pada pengakhiran waktu maka harus dilaksanakan solat dengan cara dilewatkan pelaksanaan solat Zohor atau Maghrib sehingga ke akhir waktu serta solat Asar dan Isyak di awal waktu.

2. Ketika keadaan mendesak, sulit atau sukar (masyaqqah) untuk melaksanakan solat secara sempurna (tamam) atau di akhirt waktu maka diberi keringanan kepada petugas dan orang yang sakit seperti berikut:

i. Melaksanakan solat jamak tanpa qasar sama ada jamak taqdim sekiranya dijangka kesukarannya atau sakitnya akan menghalangnya atau menyukarkannya pada waktu Asar;

ii. Melaksanakan jamak takhir sekiranya dijangka kesukaran atau sakitnya akan menghalangnya atau menyukarkannya pada waktu Zohor.

iii. Namun, sekiranya tidak mampu juga untuk melaksanakan solat kerana darurat bagi menyelamatkan nyawa pesakit yang membawa kepada luputnya waktu solat atau kesukaran menanggalkan pakaian khas untuk berwuduk atau bertayammum maka hendaklah dilaksanakan solat hormat waktu secara jamak takhir dan hendaklah diulang secara sempurna pada masa yang lain.

6. Adakah boleh disalurkan sumbangan yang berpunca dari sumber yang haram?

Jawapan : Antara bentuk penyucian bagi harta pemilikan dari sumber yang haram adalah melalui kaedah bersedekah. Hal ini bersesuaian dengan saranan yang dikemukakan oleh al-Imam al-Ghazali yang telah dinaqalkan oleh al-Imam al-Nawawi di dalam kitab beliau yang berjudul al-Majmu' jilid sembilan pada halaman 428:

إذا كان معه مال حرام وأراد التوبة والبراءة منه –فإن كان له مالك معين –وجب صرفه إليه أو إلى وكيله، فإن كان ميتا وجب دفعه إلى وارثه، وإن كان لملك لا يعرفه ويئس من معرفته فينبغي أن يصرفه في مصالح المسلمين العامة، كالقناطر والربط والمساجد ومصالح طريق مكة، ونحو ذلك مما يشترك المسلمون فيه، وإلا فيتصدق به على فقير أو فقراء،...وإذا دفعه إلى الفقير لا يكون حراما على الفقير، بل يكون حلالا طيبا،

Maksudnya : “ Sekiranya seseorang itu mempunyai harta dari sumber yang haram dan berazam untuk bertaubat kepada Allah SWT (dari pekerjaan haramnya) maka jika harta tersebut mempunyai pemiliknya diwajibkan untuk memulangkan kepadanya atau menerusi wakil bagi pihaknya. Jika pemilik tersebut telah meninggal dunia maka hendaklah dikembalikan kepada warisnya. Jika pemilik berkenaan tidak diketahui akan dirinya (tempat tinggalnya) serta berputus asa setelah mencarinya maka hendaklah harta itu diserahkan untuk kepentingan umum orang Islam seperti membina jambatan, kubu-kubu di sempadan-sempadan negeri Islam, masjid, penambahbaikan jalan Mekah serta perkara yang menjurus kepada keperluan orang Islam. Jika tidak, maka disedekahkan kepada orang yang fakir atau golongan fakir, Apabila harta itu diserahkan kepada orang fakir ia tidak menjadi haram bahkan halal serta baik untuk keperluan mereka. ”

Dr. Yusuf al-Qardhawi turut menyatakan pendirian yang serupa berhubung penyaluran harta haram di dalam Fatawa Mu'asarah, jilid tiga pada halaman 653:

ونقول هنا: إن المال حرام على من وضعه في البنك واستحق عليه الفوائد، ولكنه حلال للفقير، بل هو مصرفه الشرعي الذي لا ينبغي الخلاف فيه... إنما هو وسيط خير لتوصيل هذا المال إلى فقراء المسلمين وإلى الهيئات الخيرية التي تخدمهم، عن طريق الاستفادة من قوانين غير المسلمين في تنمية أموالهم ولو بالفوائد، بحكم الضرورة،

Maksudnya : “ Kami nyatakan di sini: Bahawa harta haram itu adalah kepunyaan bagi orang yang menyimpannya di bank yang menjalankan urus niaga riba. Namun, harta tersebut adalah halal bagi orang yang fakir bahkan penyaluran harta berkenaan adalah berlandaskan hukum syarak yang tidak terdapat khilaf mengenainya... Penyaluran harta tersebut adalah merupakan mekanisme terbaik bagi golongan fakir di kalangan orang Islam serta pertubuhan-pertubuhan kebajikan yang menyediakan sumbangan bakti kepada mereka melalui kaedah yang bermanfaat berdasarkan peruntukan undang-undang Barat bagi tujuan pembangunan harta fuqara' walaupun melalui faedah bank sebagai satu keperluan (darurat). ”

Oleh yang demikian, adalah disarankan bagi pihak yang berkenaan untuk menyalurkan harta atau sumber yang haram itu kepada mana-mana dari empat saluran yang berikut:

1. Kepentingan awam seperti pembinaan jalan raya, jambatan, masjid, surau, tempat letak kenderaan, tandas awam dan sebagainya
2. Golongan fakir serta gelandangan
3. Baitulmal
4. Badan-badan kebajikan khususnya yang bersangkutan dengan kebajikan fuqara'.

Dalam suasana wabak COVID 19 yang sedang melanda sekarang ini, derma-derma yang disumbangkan oleh syarikat-syarikat yang diketahui melakukan aktiviti yang diharamkan oleh syarak seperti judi dan arak maka ia boleh digunakan seperti yang disarankan di atas namun ia tidaklah boleh dipromosikan kerana ia akan dijadikan peluang untuk mempromosi kemaksiatan dan kemungkaran.

## PERSOALAN HUKUM SEKITAR ISU COVID-19 (5 APRIL 2020)

7. Berdasarkan kenyataan media Kementerian Kesihatan Malaysia pada 3 April 2020, berkenaan status COVID-19 di Malaysia yang melibatkan jumlah kes keseluruhan sebanyak 3,333, Apakah pernyataan Al Quran dalam Surah al Ahzab ayat 33 membuktikan kebenaran wabak corona virus COVID-19 termasuk larangan keluar rumah ?

Jawapan: Tular di media maya berkaitan perkara ini yang secara lansung mengaitkan nas al quran Surah al Ahzab ayat 33, seolah-olah menyebut tentang wabak COVID-19 ini dan kaitan dengan larangan keluar rumah. Firman Allah SWT:

وَقَرْنَ فِي بُيُوتِكُنَّ وَلَا تَبَرَّجْنَ تَبَرُّجَ الْجَاهِلِيَّةِ الْأُولَى وَأَقِمْنَ الصَّلَاةَ وَآتِينَ الزَّكَاةَ وَأَطِعْنَ اللَّهَ وَرَسُولَهُ  
إِنَّمَا يُرِيدُ اللَّهُ لِيُذْهِبَ عَنْكُمُ الرِّجْسَ أَهْلَ الْبَيْتِ وَيُطَهِّرَكُمْ تَطْهِيرًا

Bermaksud: “Dan hendaklah kamu tetap di rumahmu dan janganlah kamu berhias dan bertingkah laku seperti orang-orang Jahiliyah yang dahulu dan dirikanlah shalat, tunaikanlah zakat dan taatilah Allah dan Rasul-Nya. Sesungguhnya Allah bermaksud hendak menghilangkan dosa dari kamu, hai ahlul bait dan membersihkan kamu sebersih-bersihnya”.

Jabatan Mufti Negeri Perak menasihatkan masyarakat Muslim termasuk para netizen yang mentularkan isu ini beberapa peringatan:

1. Perbuatan sedemikian merupakan pendustaan dan pembohongan yang nyata terhadap Allah SWT bagi membuktikan bahawa corona virus (COVID 19) sudah dinyatakan dalam Al Quran. Pembuat kenyataan ini telah melakukan pemesongan di luar konteks terhadap ayat-ayat kalam Allah SWT tanpa sandaran ilmu yang benar. Firman Allah SWT dalam Surah Isra' ayat 36:

وَلَا تَقْفُ مَا لَيْسَ لَكَ بِهِ عِلْمٌ إِنَّ السَّمْعَ وَالْبَصَرَ وَالْفُؤَادَ كُلُّ أُولَئِكَ كَانَ عَنْهُ مَسْئُولًا

Bermaksud: “Dan janganlah kamu mengikuti apa yang kamu tidak mempunyai pengetahuan tentangnya. Sesungguhnya pendengaran, penglihatan dan hati, semuanya itu akan diminta pertanggung jawabnya”.

2. Dalam ayat 33 surah al Ahzab ini memperihalkan berkenaan akhlak para isteri Nabi SAW yang menunjukkan ketinggian status dan keunggulan mereka yang boleh menjadi teladan kepada seluruh wanita muslimah. Antaranya mengenai akhlak ketika berbicara, memelihara diri semasa keluar dari rumah yang hanya wujud keperluan Syarak sahaja serta tegahan berhias diri seperti perempuan Jahiliah.

3. Apabila diteliti maka didapati bahawa rata-rata lapisan masyarakat menyukai sesuatu yang ganjil dan menularkannya tanpa sebarang semakan dan penelitian terhadap kesahihannya. Sikap sebegini jelas akan membawa kepada fitnah dan kerosakan dalam masyarakat. Pendekatan terbaik adalah menyekat sesuatu maklumat yang tidak pasti apabila sampai kepada kita tanpa meluaskannya kepada orang lain.

4. Adalah diperingatkan kepada umat Islam berkenaan peringatan dari al-Quran mengenai sesuatu perkhabaran yang tidak diselidiki akan kebenarannya menerusi firman Allah SWT dalam surah al-Hujurat ayat 6:

يا أيها الذين ءامنوا إذا جاءكم فاسق بنبأ فتبينوا أن تصيبوا قوما بجهالة فتصبحوا على ما فعلتم نادمين

Maksudnya: “Wahai orang yang beriman! Jika datang kepada kamu seorang fasik membawa sesuatu berita, maka selidikilah (untuk menentukan) kebenarannya, supaya kamu tidak menimpakan sesuatu kaum dengan perkara yang tidak diingini – dengan sebab kejahilan kamu (mengenainya) – sehingga menjadikan kamu menyesali apa yang telah kamu lakukan.”

Seterusnya Rasulullah SAW telah mengingatkan kita dalam hal ini menerusi hadis yang berikut:

من قال في القرآن بغير علم فليتبوأ مقعده من النار

Maksudnya: “Barangsiapa yang berkata tentang al-Quran tanpa sandaran ilmu maka sediakan tempat duduknya dari api neraka.” (Riwayat al-Tirmizi)

---

### **KEMUSYKILAN BERKENAAN BULAN SYAABAN (7/4/2020)**

8. Apakah amalan yang dilakukan oleh Rasulullah SAW dan para sahabat dalam bulan Syaaban?

Jawapan: Bulan Syaaban merupakan antara bulan-bulan yang mempunyai kelebihan yang tersendiri. Antara amalan yang dilakukan oleh Rasulullah SAW apabila memasuki bulan ini ialah dengan melazimkan diri dengan berpuasa. Hal ini dijelaskan oleh Saidatina Aisyah r.a. menerusi hadis yang berikut:

فَمَا رَأَيْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ اسْتَكْمَلَ صِيَامَ شَهْرِ إِلَّا رَمَضَانَ وَمَا رَأَيْتُهُ أَكْثَرَ صِيَامًا مِنْهُ فِي شَعْبَانَ

Maksudnya: “Saya tidak pernah melihat Rasulullah SAW menyempurnakan puasa sebulan kecuali dalam bulan Ramadan. Dan tidak pernah juga saya melihat Baginda memperbanyakkan amalan puasa seumpama itu melainkan dalam bulan Syaaban.” (Riwayat al-Bukhari dan Muslim)

Seorang sahabat yang bernama Usamah bin Zaid telah menceritakan berkenaan kelaziman Rasulullah berpuasa dalam bulan Syaaban:

قُلْتُ: يَا رَسُولَ اللَّهِ لَمْ أَرَكَ تَصُومُ شَهْرًا مِنَ الشُّهُورِ مَا تَصُومُ مِنْ شَعْبَانَ، قَالَ: "ذَلِكَ شَهْرٌ يَغْفُلُ النَّاسُ عَنْهُ بَيْنَ رَجَبٍ وَرَمَضَانَ وَهُوَ شَهْرٌ تُرْفَعُ فِيهِ الْأَعْمَالُ إِلَى رَبِّ الْعَالَمِينَ فَأُحِبُّ أَنْ يُرْفَعَ عَمَلِي وَأَنَا صَائِمٌ"

Maksudnya: "Saya (Usamah) bertanya: Wahai Rasulullah, saya belum pernah melihat engkau berpuasa sebulan berbanding bulan-bulan yang lain selain dari bulan Syaaban? Baginda bersabda: Bulan tersebut merupakan bulan di antara Rejab dan Ramadan yang sering diabaikan oleh manusia. Itulah bulan yang diangkatkan segala amalan manusia kepada Tuhan Sekalian Alam. Maka, saya lebih suka sekiranya amalan saya ini diangkat dalam keadaan saya sedang berpuasa." (Riwayat al-Nasa'i)

Manakala para salafus soleh pula sentiasa menghidupkan bulan Syaaban dengan memperbanyakkan amalan sunat seperti membaca al-Quran, berzikir, Qiamullail, mengeluarkan zakat harta di samping berpuasa. Mereka menamakan bulan Syaaban sebagai "Syahr al-Qurra" iaitu bulan membaca al-Quran.

9. Apakah keistimewaan lain yang terdapat dalam bulan Syaaban?

Jawapan: Antara keistimewaan yang terdapat dalam bulan Syaaban ialah adanya malam yang mulia lagi diberkati yang dikenali sebagai malam nisfu Syaaban. Kelebihan malam tersebut digambarkan menerusi hadis yang berikut:

يَطَّلِعُ اللَّهُ عَزَّوَجَلَّ عَلَى خَلْقِهِ لَيْلَةَ النِّصْفِ مِنْ شَعْبَانَ فَيَغْفِرُ لِجَمِيعِ خَلْقِهِ إِلَّا لِمُشْرِكٍ أَوْ مُشَاحِنٍ

Maksudnya: "Allah SWT muncul kepada hambanya pada malam nisfu Syaaban maka diampunkan semua dosa hamba-Nya melainkan orang yang musyrik dan masyahin (orang yang saling bermusuhan serta hasad dengki)." (Riwayat al-Tabrani)

Malah, malam nisfu Syaaban juga merupakan antara malam yang dimakbulkan segala permintaan. Hal ini telah dijelaskan oleh al-Imam al-Syafie dalam kitab al-Umm jilid kedua pada halaman 485:

وَبَلَّغْنَا أَنَّهُ كَانَ يُقَالُ: إِنَّ الدُّعَاءَ يُسْتَجَابُ فِي خَمْسِ لَيَالٍ فِي لَيْلَةِ الْجُمُعَةِ، وَلَيْلَةِ الْأَضْحَى، وَلَيْلَةِ الْفِطْرِ،  
وَأَوَّلِ لَيْلَةِ مَنْ رَجَبٍ، وَلَيْلَةِ التِّصْفِ مِنْ شَعْبَانَ

Maksudnya: “Telah disampaikan kepada kami bahawa al-Imam al-Syafie telah berkata: Sesungguhnya doa yang mustajab terdapat pada lima tempat iaitu pada malam Jumaat, malam Hari Raya ‘Idul Adha, malam Hari Raya ‘Idul Fitri, malam pertama dalam bulan Rejab serta malam Nisfu Syaaban.”

10. Apakah hukum berpuasa selepas dari nisfu Syaaban (15 Syaaban)?

Jawapan: Hukumnya haram bagi seseorang yang berpuasa selepas 15 Syaaban berdasarkan hadis yang berikut:

إِذَا انْتَصَفَ شَعْبَانُ فَلَا تَصُومُوا

Maksudnya: “Apabila sampai ke pertengahan bulan Syaaban maka janganlah kamu berpuasa.”  
(Riwayat Imam Ahmad)

Walau bagaimanapun, terdapat pengecualian jika sekiranya seseorang itu hendak menqadakan puasa Ramadan yang lalu, berpuasa nazar atau telah melazimkan diri berpuasa sunat Isnin dan Khamis maka ia boleh berpuasa selepas dari 15 Syaaban. Hal ini telah dijelaskan menerusi hadis yang berikut:

لَا يَتَقَدَّمَنَّ أَحَدُكُمْ رَمَضَانَ بِصَوْمِ يَوْمٍ أَوْ يَوْمَيْنِ إِلَّا أَنْ يَكُونَ رَجُلًا كَانَ يَصُومُ صَوْمَهُ فَلْيُصُمْ ذَلِكَ  
الْيَوْمَ

Maksudnya: “Janganlah seseorang daripada kamu medahulukan bulan Ramadan dengan berpuasa selama sehari atau dua hari melainkan jika ia melazimkan dirinya berpuasa maka ia boleh berpuasa dalam tempoh tersebut.”  
(Riwayat al-Bukhari dan Muslim)

11. Amalan-amalan serta zikir yang dianjurkan ketika di rumah bersama keluarga semasa Perintah Kawalan Pergerakan (PKP)

Jawapan: Antara amalan-amalan serta zikir yang dianjurkan ketika di rumah bersama keluarga semasa Perintah Kawalan Pergerakan (PKP):

1. Melazimkan solat berjemaah

Hubungan kekeluargaan merupakan ikatan yang terbina atas faktor pertalian darah yang sudah semestinya membentuk nilai kasih sayang serta persefahaman di antara satu sama lain. Maka, adalah lebih utama apabila ia dipupuk menerusi amalan solat secara berjemaah. Maka, sudah tentu ia akan menatijahkan disiplin serta nilai perhambaan diri seseorang kepada Allah SWT. Hal ini akan menzahirkan sifat syukur di dalam diri seorang Muslim.

2. Amalan tahlil

Secara umumnya, tahlil merujuk kepada kalimah لا إله إلا الله. Ia berdasarkan sabda

Rasulullah SAW:

لقنوا موتاكم لا إله إلا الله

Maksudnya: “Ajarkan kepada orang yang sedang dalam keadaan sakaratul maut dengan ucapan la ilaha illallah.”  
(Riwayat Muslim)

Adapun amalan bertahlil sepertimana yang diamalkan pada masa ini merupakan himpunan ayat-ayat suci al-Quran serta zikir yang telah disusun oleh ulama mutaakhirin (terkemudian) sejak abad ke sebelas hijrah. Ia sesuai untuk dijadikan sebagai satu amalan seisi keluarga bagi pelbagai tujuan sama ada untuk dihadiahkan pahala bacaan tahlil kepada roh sanak saudara yang telah meninggal dunia, sebagai meditasi rohani untuk ketenangan jiwa di samping mengeratkan silaturrahim menerusi amalan berzikir.

### 3. Mengamalkan doa menghindari wabak dan bala

Pelbagai doa yang telah diajarkan oleh ulama yang amat sesuai untuk diamalkan dalam suasana masa ini. Antaranya:

اللهم بسر الفاتحة وبحق من إنزلت عليه الفاتحة نسألك أنت أرزقنا صحة في الدين والدنيا والآخرة يا  
فارح الهم ويا كاشف الهم ويا من لعبده يغفر ويرحم يا دافع البلاء والنقم إُدفع عنا يا الله كل بلاء  
ووباء وهم وغم وضيق وشدة ونقمة وفتنة وقوم الظالمين.

## 12. Persoalan Hukum Muamalat (8/5/2020)

Apakah hukum bagi orang Islam yang masih berurusan dengan kedai pajak gadai konvensional?

Jawapan:

Secara umumnya, hukum gadaian adalah harus bagi memenuhi keperluan manusia apabila berada dalam keadaan yang disifatkan terdesak atas sebab-sebab yang tertentu. Firman Allah SWT dalam surah al-Baqarah ayat 283:

وَإِنْ كُنْتُمْ عَلَى سَفَرٍ وَلَمْ تَجِدُوا كَاتِبًا فَرِهَٰنٌ مَّقْبُوضَةٌ

Maksudnya: “Jika kamu berada dalam musafir (lalu kamu berhutang atau memberi hutang yang bertempoh), sedangkan kamu tidak mendapati jurutulis maka hendaklah diserahkan barang-barang gadaian yang akan dipegang (oleh orang yang memberi hutang).”

Kontrak gadaian yang ada pada masa ini ada dua kategori iaitu kontrak gadaian konvensional dan kontrak gadaian Islam. Sebagai umat Islam, adalah menjadi kewajiban ke atas mereka untuk menyelesaikan segala urusan gadaian di kedai pajak gadai Islam atau kini lebih dikenali sebagai al-Rahnu.

Manakala kontrak gadaian konvensional dilihat tidak memenuhi keperluan Syariah kerana dalam masa yang sama turut mengenakan faedah yang berlebihan serta berlaku penyelewengan dalam transaksi gadaian. Sebagai contoh, terdapat segelintir dalam kalangan pemegang pajak gadai yang tidak amanah dengan mengambil barang gadaian menjadi hak miliknya sekiranya ia tidak ditebus oleh pihak penggadai. Begitu juga misalnya jika barang gadaian tersebut dilelongkan, kerap kali pemegang pajak gadai tidak memulangkan wang lebihan kepada pihak penggadai selepas ia dilelongkan. Begitu juga dengan tuntutan wang pendahuluan oleh pemegang pajak gadai yang dilihat mempunyai unsur penindasan ke atas pihak penggadai.

Oleh itu, setiap kontrak yang dibenarkan oleh syarak mempunyai perkaitan dengan hukum hakam tertentu. Justeru, kontrak gadaian Islam merupakan alternatif utama bagi umat Islam kerana ia bebas dari sebarang unsur gharar (tidak jelas) dan riba. Di samping itu, nilai gadaian juga tidak merosot serta barang gadaian dijamin selamat dalam simpanan pihak al-Rahnu. Tempoh pembayaran balik wang pinjaman ke atas pihak penggadai adalah munasabah dan boleh diterima pakai oleh semua pihak. Selain itu, kadar caj perkhidmatan yang dikenakan oleh pihak al-Rahnu adalah rendah dan berpatutan.

Disediakan oleh :

Bahagian Fatwa

Jabatan Mufti Negeri Perak

### 13. PERSOALAN HUKUM SEKITAR PERINTAH KAWALAN PERGERAKAN (15/5/2020)

Dalam menjunjung titah perkenan Tuanku atas kebenaran mendirikan solat Jumaat dengan bilangan seramai 12 orang yang dihadkan kepada ahli jawatankuasa masjid dan surau, maka timbul persoalan mengenai pelaksanaan solat fardu Zohor bagi ahli jemaah yang lain sewaktu berada di rumah. Bilakah waktu atau keadaan yang diharuskan untuk menunaikan solat Zohor?

Jawapan:

Bagi mana-mana ahli kariah yang menunaikan solat Zohor di rumah pada hari Jumaat (bagi yang tidak dapat melaksanakan solat Jumaat di masjid atau surau diri jumaat semasa Perintah Kawalan Pergerakan (PKP)), bolehlah menunaikannya sebaik sahaja selesai azan yang kedua iaitu ketika imam berada di atas mimbar. Hal ini adalah bersandarkan nas yang terkandung di dalam kitab Raudhah ath-Thalibin pada muka surat 196:

الضرب الثاني: من لا يرجو زوال عذره كالمراة، والزمن، فالأولى أن يصلي الظهر في أول الوقت، لفضيلة الأولوية.... وإذا اجتمع معذورون، استحب لهم الجماعة في ظهرهم على الأصح. قال الشافعي رحمه الله تعالى: واستحب لهم إخفاء الجماعة لئلا يتهموا. قال الأصحاب: هذا إذا كان عذرهم خفياً، فإن كان ظاهراً، فلا تهمة.... ثم إذا صلى المعذور الظهر قبل الفوات الجمعة، صحّت ظهره.

Maksudnya: “Jenis Kedua: Sesiapa yang tidak diharap luput keuzurannya seperti wanita dan orang yang ditimpa ditimpa penyakit yang berpanjangan. Maka adalah lebih utama bagi mereka untuk menunaikan solat Zohor di awal waktu kerana mengambil fadhilat (kelebihan) (solat) di awal waktu.... Apabila berhimpunnya orang yang keuzuran, disunatkan ke atas mereka untuk menunaikan solat Zohor secara berjemaah berdasarkan qaul (pandangan) yang Asah. Telah berkata al-Imam asy-Syafi'ie rahimahullahu taala: Disunatkan bagi mereka (orang yang keuzuran) untuk menunaikan solat Zohor berjemaah secara tersembunyi supaya mereka tidak ditohmah....

Berkata para ulama Mazhab Syafi'ie: "Hal ini ialah jika keuzuran mereka tersembunyi (tidak zahir kepada orang lain), tetapi jika ia zahir maka tiadalah tohmahan"..... Kemudian apabila seseorang yang dalam keuzuran menunaikan solat Zohor sebelum selesai solat Jumaat maka sah solat Zohornya itu."

Dalam pada itu, Dar al-Ifta' wa al-Buhuth al-Islamiyyah telah mengeluarkan keputusan berkenaan pelaksanaan solat Zohor bagi golongan yang tidak diwajibkan solat Jumaat sepertimana nas yang berikut:

توجه دار الافتاء المسلمين للصلاة أربع ركعات فرض الظهر مكان صلاة الجمعة في وقت صلاة الجمعة، فحينما ينتهي المؤذن للجمعة، تقام صلاة الظهر في البيوت أربع ركعات بدل الجمعة، ....

Maksudnya: "Dar al-Ifta' al-Muslimin telah mengeluarkan keputusan berhubung solat empat rakaat fardu Zohor yang mengambil tempat solat Jumaat semasa solat Jumaat sedang didirikan (waktu menunaikan solat Zohor itu ialah) apabila selesai sahaja azan Jumaat (azan kedua) maka hendaklah ditunaikan solat Zohor di rumah sebagai menggantikan solat Jumaat itu,....."

Disediakan oleh :

Bahagian Fatwa

Jabatan Mufti Negeri Perak